

secundo gracilioribus, tertio secundo circiter $\frac{1}{3}$ brevior, quarto tertio circiter duplo brevior. Pronotum latitudine basali circiter $\frac{2}{5}$ angustius, apice quam basi duplo angustius, callis sat discretis, disco postico apicem versus sat declivi, laevi, lateribus subrectis. Scutellum basi detecta, parte apicali convexiuscula, laevi. Hemielytra maris latitudine communi circiter triplo longiora, parallela, laevia. Femora maris postica sublinearia. Tibiae spinulis crassitie tibiae brevioribus. Tarsi postici margine libero inferiore articuli secundi eidem primi aequae longo, tertio duobus primis simul sumtis parum brevior. Segmentum maris genitale ad sinum sinistrum aperturae muticum.

8. *Lygus divergens* Reut.

Öfv. Finska Vet.-Soc. Förh. XLIII, 1901, p. 210, 13.

Mas (adhuc ignotus) a femina differt capite basi pronoti solum $\frac{1}{4}$ angustiore, ab antico viso adhuc fortius transverso, vertice oculo fere $\frac{2}{5}$ angustiore, oculis a supero visis longitudine fere duplo latioribus, articulo secundo antennarum latitudine basali capitis duplo et margine basali pronoti paullo magis quam $\frac{1}{4}$ longiore, tertio secundo fere $\frac{2}{5}$ brevior, clavo medio, corio vitta obliqua juxta suturam clavi, basi ad marginem anteriorem producta, fasciaque apicali saepe externe abrupta cuneoque angulo interiore fuscis, apice clavi, corii et cunei castaneo, corpore inferne medio fusco. Long. $\frac{4}{5}$ mm. Jerico! d. 11 martii, D. U. Sahlberg.

9. *Lygus brachynemesis* Reut.

Compt. Rend. Soc. Ent. Belg. 1885, p. xliiii.

Hem. Gymn. Eur. V, p. 95, 18.

Mas (adhuc ignotus): oblongus, capite piceo-nigro, margine verticis lineaque tenui media longitudinali frontis pallidis, pronoto vittula brevi media longitudinali mox pone stricturam apicalem limboque postico ante marginem, scutello vitta lata media lateribus parallela, ipsum apicem haud occu-